

Bibbia par putei
Presenta



Noè e la gran
aluvion



Scritto da: Edward Hughes

Illustrà da: Byron Unger; Lazarus
Alastair Paterson

Adatà da: M. Maillot; Tammy S.

Tradoto da: Tiberio Bardelle

Prodoto da: Bible for Children
www.M1914.org

©2023 Bible for Children, Inc.

Licenza: A te ga el diritto de copiare o de stanpare sta storia,
basta che non te la vendi.



Noè el jera on omo che
adorava Dio. Tuti che altri
i lo odiava e no i scoltava
Dio. On zorno, Dio, el ga
dito calcosa de tremendo.

"A desfarò sto mondo cativo
e tristo" el ga dito

Dio a
Noè. "A se
salvarà solo la to
fameja"




Dio el ga avisà Noè che vegnarà on gran
scravaso de piova che el cuerzarà el
mondo. "Fate on barcon de legno, on
barcon grandò par tuta la to fameja
e par tante bestie". Cussì el ga
ordinà a Noè. Dio el ga da a Noè
tutte le istrusion
giuste. E Noè
a lo ga fato!



La zente, de sicuro, lo
cojonava fin che Noè
el ghe spiegava el
parchè el jera
drio far on
barcon.

Noè el
tirava drito
a fabricar. El
'ndava vanti anche
a raxonar ala zente
de Dio. Gnisun
lo scoltava.



Noè el gaveva tanta fede.
El ghe credeva a Dio anca
se la piova non la gaveva
ancora scominsià a vigner
so. Dopo on fià la barca
la jera pronta par esare
caricà de magnar.




Po a xe rivà le bestie. Dio el ghe na portà sete de
alcune rase e do de altre. Osei grandi e osei picoi.
Bestie picoe e alte, e le ga mandà
verso el barcon.




Pol darsi anca che la zente l'ofendese
Noè fin che el caricava le
bestie. La zente no ga
smesso de esare contro
Dio. No i ga domandà
de 'ndare dentro
el barcon.






A la fine tutte le bestie e i osei i jera dentro al barcon. "Va in dentro all'arca" el ga dito Dio a Noè. "Ti e tuta la to fameja". Noè, so mujer, i so tre fioi e le so mujere i xe 'ndà tuti quanti dentro al barcon. E po Dio el ga sarà la porta.





po a xe rivà la
piova. On scravaso de
piova che el el xe durà
cuaranta dì, zorno e note,
e se ga cuerto la tera.





El piovalon
el xe 'ndà so sità
e paexi. Quando che la piova
se ga fermà, anca le montagne
le jera sotto acua. Tuto cueo
che respirava a jera morto.



Fin che le acue se alsava,
el barcon el galegiava in
sima. A podaria anca
essar star scuro in dentro,
magari sacagnà e forse da
spasemarse. Ma l'arca la
ga tegnuo Noè a remocìa.




Dopo sincipue mesi de brentana, Dio el
ga mandà on vento che seca. Pian
pianeto l'arca la se ga posà desora dela
montagna de Ararat. Noè el xe
restà dentro al barcon par n'altri
cuaranta zorni fin che
l'acqua se sbasava
de livèò.



Noè el ga mandà on corvo e na colonba fora dal balcon verto del barcon. Non catando on posto suto e puito par sponsarse, la colonba la xe tornà indrio da Noè.





Na stimana dopo, Noè el
ga cercà da novo. La
colonba la xe tornà con
na foja nova de ulivo in tel
beco. La stimana dopo Noè el
gaveva capìo che la tera la jera
suta parchè la colonba non la
xe pi tornà indrio.



Dio el ga dito a Noè che ormai a jera
ora de lasare l'arca. Noè co la so
fameja i ga scaricà tute le bestie.



Noè el jera tanto
riconosente a
Dio e allora el ga
fabricà on altar
par pregarlo parchè
a lo ga salvà, lu e la so
fameja, dala teribile
scravasada.



Dio el ga fato
a Noè na promessa
maravejosa. No
el gavarìa mandà
mai pi on scравason
de acua par judicar el
pecato del'omo.

Dio el ga da
un gran bel ricordo
dela so promessa.
L'arcobalen el
jera el segno dela
promessa de Dio.



Noè e la so fameja,
dopo l'aluvion i ga scuminzià
tuto da novo. Col tempo, i so
nevodi, i ga inpiniò tuta la tera.
Tute le Nasion del mondo i
disende da Noè e da
so fioi.



Noè e la gran aluvion

'Na storia de la Parola de Dio, ea Bibbia

la se cata in

La nasita de Gesù

"Scoltare le paroe a ne da la luce."

Salmo 119:130






Ea fine



3



60



Sta storia dela Bibia la ne conta del nostro maravejoso Dio che el ne ga fato e che el vol che ti a te lo conosi.

Dio el sa che a gavemo fato robe cative che Lu el ciama peccato. La punision par el peccato la xe la morte, ma Dio el te voe cusì tanto ben che che el ga mandà el so unico fiolo, *Gesù*, a morir so na crose e a esar punìo par i to peccati. *Gesù* el xe tornà in vita par po andar a casa soa in Paradiso! Se a te ghe credi in *Gesù* e a te ghe domandi de perdonar i to peccati, Lu a lo farà. Lu el vegnarà a vivar in noaltri adeso e noaltri a vivaremo con Lu par senpre.

Sa te credi che questa la sia la verità, dighe questo a Dio:

Caro *Gesù*, mi a credo che Ti a te si Dio, e che a te si diventà on omo par morir par i me peccati, e deso a te vivi da novo. Par piaser, vieni nela me vita e perdona i me peccati, in modo che mi a posa aver na nova vita adeso, e un di a vegnarò a star co ti par senpre. Iutame a butarte a mente e a vivar par ti come ca fuse to fiol. Amen.

Lesi la Bibia e parla co Dio tuti i di! *Giovani 3:16*

